


16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42

2392
89449
14




古泉匯第十四冊

貞集卷五之
卷七


古880
8846





古泉匯貞集卷五

厭勝正品




五行大布一二背俱斗劍龜蛇一微小洪志名元武錢三雙劍
龜蛇四日月北斗五六花草狀洪志有大品雀銜花者亦此類




面文同前一孔方餘孔俱圓背左右皆團圓字一上下糝糊二上雙歧花紋下牛形三四上雙雲頭下虎形兔形彙考有羊形者又曾見猪形者然則十二辰當俱有之此正品兼生肖類者



面同前背上朶雲俱同一子時下鼠形二丑時牛形三寅時虎形四似龍形不晰左右無字爲異五方孔申時猴形與四均不晰此亦兼生肖錢吉金錄有午時者彙考有卯酉戌時者




面全前行字變體三品迭大背皆斗劍龜蛇彙考以此背類六
泉五十疑為同時鑄




面背俱同前惟上下有柄中穿不透次上柄作雙鳳頭



永通萬國背一二斗劍龜蛇二向右三斗劍龜四雙劍五上不




晰下蛇形六將軍右人左立戈形七絕小背五男二女向左



面同前背一二兩人倒立兼龍形鷄形三酉生人對鷄形四木
命人對犬形五十二辰形皆屬兼生肖錢




大開元通寶重好郭背花紋




順天元寶似史思明錢背及外郭俱花紋




永通泉貨隸書背龍鳳文形質古樸洪志入十國品中





天府策寶背交索文



周元通寶背一兩人形二兩人下龜三一人龜鶴四右人上鶴
 下龜五右人左龍六右人仗劍左龍世謂降龍錢七八雙龍嬉
 珠九十龍鳳十一雙鳳按諸背文多凸起形質甚古此外品類
 繁多又有秘戲者不備摹





宋元通寶背一右一人仗劍左龍仿周元降龍錢式二作龍螭
 屈蟠狀而不晰



太平通寶一篆書背天福百壽次真書背龍虎形三小背平安
吉利四無通寶字背雙葫蘆向左

錢牌中作太平通寶左右開元通寶背無文色澤俱古非近代物





太平通寶錢背亦龍虎形上有柄面背福祿字似近代仿鑄





咸平元寶背龍鳳亦仿周元錢式




天聖元寶背上類虎形而不晰下花草形




熙寧元寶背斗劍龜蛇向左亦仿大泉式



崇寧重寶一 二隸書三 四真書背一 雙龍形二 雙龍抱珠三通
寶背四 曲文四 錢加環文四 雙角文







大觀通寶背上下三 左右不晰





一面文全 前外俱重輪 一背亦重輪 四出文似纓絡 兼四花朵文

次上星右星官左噓氣上本命星官下獸形亦係兼生肖錢



面文同前背上斗劍下龜鶴左星官右童子次上星下龜蛇三

花月星斗四上雲端新月下花紋五雲紋



面同前背一雙龍逐珠文次雙獸銜魚文三雙魚咬花文四五





古泉匯

貞五

古泉匯


九

珊枝承蓋一正一倒




面同前背一方勝次雙板三犀角四雙角以上諸品制作精美


與徽宗錢無異應俱屬當時物



此品作犀角形絕奇面文亦大觀通寶孔方類錢背上下九星大錢有犀角文者此又其變體也友人所藏云自土中掘出者




大觀鐵錢背亦犀角文按鐵錢歷代多有若鐵厭勝錢惟見五
銖背龜形者及此品



宣和通寶背上下日月左右葫蘆




正隆元寶背左右雙劍上下不晰應係龜蛇面文較粗不似金
錢然色澤極古



大定通寶背雙鶴下魚形次申字乃太定錢之背文非生肖錢
也下葫蘆形向右按葫蘆形昉於太平錢宣和大定俱仿之雙
鶴形昉於大泉五十此亦仿舊式也





泰和在上下左右葫蘆亦仿太平錢背左右方勝雙板



泰和重寶背一人形次方勝三珊枝四雙角五花月星斗惟五
面背重輪次以下背文皆仿大觀錢式



大元錢面背左右雙鶴背下魚形仿大定錢式



至元通寶背一橫劍二橫劍下月形三長命富貴四顛倒葫蘆
三四差大四篆古書




正德通寶背龍文次較大龍鳳文



正德大錢背一雙龍文二雙鳳文雙龍者似近代所鑄雙鳳則確屬明錢然池北偶談於慈仁寺見正德錢幕文如蟠螭狀是正德錢之作龍文已久矣


古泉匯貞集卷六

厭勝吉語




辟兵錢面文辟兵莫當背除凶去央俱右旋讀辟即避省央即

殃省一上柄獸形中有重好下有環次上柄下環洪志舊譜曰
方穿之中更有小穿邪正安之若八角其間有八柱其郭外有
小柄卽此錢惟無下環耳按辟兵與大泉背文同漢印有文曰
除凶去殃者見注訶菴古印存此錢自屬漢厭勝品




面背文俱同前一二有上柄三無柄一重好文左旋二右旋三
左旋均無下環與洪志符合皆似漢製




三品文同前而俱在面右旋讀類鏡銘一有上柄方圓重好面

背八柱二惟無柄餘同三面無柱無外郭背平四面亦辟兵莫當背曰富貴未央上有柄下有環已截去面背亦八柱鮑子年有鉛錢面背文及制作均與此第四品同惟無上下柄




千金錢面文日人千金背長毋相忘俱右旋讀一上柄下環次


上柄俱重好郭面背八柱與辟兵錢制作無異考漢瓦漢鏡皆有長毋相忘之文此自係漢製洪志亦載之



面文同前背曰佩此宜富下似有環截去者




面文予天毋極背宜子保孫上柄魚形下雙鉤兼垂旒形按漢
瓦有予天無極者此亦漢錢



一長樂未央與漢瓦同文背君宜子孫與漢洗同文上長壽鉤
形左右抱珥面背四隅八星兼四出文文透穿內絕奇三大樂
未央背曲直文與大泉五十同有上柄可貫左右亦抱珥魚形



豐樂錢背四出文洪志舊譜四字皆科斗書李孝美曰天清豐
樂與此恰合惟洪志文俱向下此清字不晰天字向右為異






萬歲錢洪志面文繆篆皇帝萬歲背忠孝傳家與此第一品符
合次真書左旋讀三上下讀同一四右旋讀外郭重輪三四背
有人物形按漢書高帝紀羣臣皆稱萬歲天子稱萬歲始此






萬歲錢千秋錢小品一艾同前惟萬作万二合背三背文重臣
千秋向左四重臣千秋五合背二五背文俱向上




千秋萬歲大錢萬作万次背龍鳳形

今前迭小次萬字作萬背龍文四合背五背國泰人安六雙劍



四品更小三左旋讀四傳形二以下背上月按洪志千秋萬歲大錢背龍鳳文者入奇品小品因李孝美有虜使入貢人多博易得之之語董道遂定為遼錢劉燕庭云李孝美言得諸貢使然非謂遼錢必以此四字為文也此錢與遼錢不類未可遽定愚按洪志小品皆作萬上下讀今所見皆作万右旋讀洪志已未可盡信漢瓦六朝甄皆有千秋萬歲之文自屬吉語非正用品且此錢與皇帝萬歲重臣千秋錢無異故類記於此




面文同前一二背國泰人安一下雙人形二三雙魚形泰作太





郭勳錢文曰大勝哉得泉財益富昌宜牛羊背保父母利弟兄

宜子孫去不詳詳即祥也中好三重上下有柄柄下有郭勳印



田龍錢式與前同一面花紋一面文便父母利弟兄宜子孫去
不羊羊亦祥省下有田龍印此與上品中好俱不透





王貴錢亦上下柄面文和父母保弟兄宜孫子口命長應是壽
命長壽字及背花紋均不晰中穿透下有王貴印





傳侯錢制作及兩面文俱與郭勳錢同惟無上柄下有傳侯印
以上四品皆以錢為印紐者非錢而具錢形其宜子孫益富昌
等文漢銅器往往有之
下名印亦皆似漢人私印其為兩京物
無疑


父慈子孝面背同文次背文兄友弟恭




孝悌忠信大錢



一夫妻偕老背百年長壽二背松柏長青三夫妻相保相保二字向外背不可識



如魚似水錢次上下有柄




弄璋添喜錢背桑弧蓬矢



早生貴子背天開文運次面同上背下篆書元字餘不晰西清古鑑按公羊傳母以子貴則貴子其說已古非近代語也





五男二女錢一較小次五作伍三合背四背斗劍龜蛇五雙劍
 六上斗下龜洪志載合背錢金石契據朱子明詩傳遺說曰今
 人言五男二女亦有所本詩疏武王有五男二女蓋出于此五
 男者左傳邗晉應韓為武之穆與成王則五矣大姬下嫁陳胡
 公則一也詩何彼穠矣王姬下嫁齊侯之子則二也






同前背一百干長壽次長命富貴三面上長牌凹文五男二女
下斗劍龜蛇左右二女形背五男形四合背上有柄鳳踏花形




此品洪志謂之福慶錢據舊譜文曰伍男貳女叁公玖卿郭邊
作連珠文二三五九皆作大字正合此式彙考云唐武后時鑄



天下太平錢七品迭大背文一星月三各處安寧四百事大吉
六四人形七加官進祿洪志載四品其第三與此第六品符合
舊唐書李希烈既平淮西節度使陳仙奇進錢一文大如開通
之狀文曰天下太平云於希烈庭中得之是唐以前已有此



大錢鏤空圓好上下兩錢形文曰天下太平長命富貴背曰加
官進祿金玉滿堂左右雙鹿形取諧聲進祿之義



大錢亦曰天下太平面背四曲文次背上下星月形類無考之
大泉五十或同時所鑄三天下太平國泰人安面重好右旋讀
每字界以連珠圈背人與獸形



一面天下和平背倒書惟和合二字可辨次錫錢面太平如意
背長壽太平









風調雨順背五穀豐登穀作谷與前國作國泰作太同





日月錢一較大面日月合璧背三陽開泰次差小面日月光

背花紋



大吉錢五品迭大面皆大吉上上次上上二字相背書背一上
下星斗次左上北斗三北斗在下四周圍七星五左右星斗

一 大吉左右龜蛇及飛鳥形背北斗長壽鉤及獸形次出行大




吉背星月三出入吉利四新春大吉背人口平安五合家清吉背祿字及馬形取數術家祿馬之義王圻稗史類編博戲中私鑄錢有合門清吉或家字訛為門字耶又安陽縣志元至正八年靈泉寺香爐有保佑合家清吉字


除災去凶錢仿漢厭勝式四隅入柱重好背平然字體形質與漢錢不類




一萬災永滅背龜鶴形次萬病不侵萬災永滅錢有上柄者



驅邪辟惡錢背斗劍龜蛇又有驅邪降福錢大同此背龍虎文



辟邪一字在上下左右符篆背花紋不可辨



承華普慶錢金史章宗紀明昌五年尙書省奏宜易慈訓殿爲承華殿從之地理志承華者太子所居之東宮也彙考斷爲東

宮慶典特鑄頒賜者又按日下舊聞元史百官志至大元年立承華普慶寺此錢或寺中物歟



龍飛鳳舞錢背龍鳳形

古泉匯貞集卷七

厭勝吉語



福生通寶背星月人與鹿形雖曰通寶福生仍取吉語非年號也次百福齊生上有柄背龜形花紋面文與萬災永滅錢恰對







一二壽山福海背一壽命千秋次上未字下羊形兼生肖三面背方牌內福如東海壽比南山兼繪人與山海形四文同前而不繪形近歷下宋人墓中掘出瓷器有福如東海壽比南山字



一福祿壽星背岡陵松柏次增福添壽背人形不斷又香案形福祿壽星亦有面背同文者



面文福壽延長背畫雲日海山走獸之形又有福壽延長字在

四隅上下左右畫符背作星官兔形者



福德長壽錢真書背上本命星官右人左鼠形按邢澍寰宇碑錄東魏福德長壽四字正書在河南洛陽龍門山是此語六朝已有此錢或即六朝制作歟



面文同前而行書背上牛形左星官右童子又曾見面行書背蛇形者猴形者面真書背犬形者猪形者上本命星官方牌或有或無左右或星官童子大同小異不能備摹摹二品以概之此類皆吉語兼生肖錢諒十二生肖皆有之



上下福德二字真書左右貨布篆書背上本命星官右星官左人及生肖形



左右福德字上辰字下龍形亦肖生之一





一面同上背長壽下巳上蛇形二面背福德長壽同次品上下戌亥及犬猪形二品背皆倒書此亦兼生肖錢但面背兼兩生肖者惟見此二品






一福壽長永背右人左樹下鼠形亦兼生肖次福壽永長背正大光明




福祿保祐錢祿作鹿形取諧聲背上本命左右星官下獸形



一上福字下亦鹿形背上本命左右星官下獸形次壽添福祿
 外緣作六出形三上下左右類符篆面背皆同四隅面福祿緣
 神背長命富貴倒書





一南極祝壽次百年長壽背上月三眉壽無害背左右人與樹形下兼生肖猴形





龜鶴齊壽篆書厲鶚樊榭山房集載此錢文又渤海藏真帖米


元章詩龜鶴年壽齊羽介所託殊云云此語或宋以前已有之



文同前而真書錢幣考四字壯勁類大觀錢卽此品




一文同前惟龜鶴二字象形為異圓好背平類古園法次龜齡
鶴壽取義同前背雙龍形







長壽二字篆書在左右上下二字類符篆彙考疑為富貴字背
上北斗下龜蛇此錢又有上有柄者


長壽富貴一至三真書背上本命星官左右兩人類星官童子
下一牛形次蛇形三大形四五面草書背二人及樹形下牛形





猴形皆生肖之屬



面文俱同前一二有上柄二背亦本命星官左右人形下似生
 肖不断三百同二背下龍形上柄三錢形中類馬錢左右文賢
 聖菩薩背亦長壽富貴



百千長壽背進字鹿形取進祿之義



長命富貴小錢次合背三長命向下富向上貴向右旋轉書五
 背星月六背金玉滿堂七圓好背左右子丑上下兩生肖形


西清古鑑按崇高莫大乎富貴富貴二字相聯屬始此又風土
 記端午造百索繫臂名長命縷又曰金玉滿堂老子道德經語
 也董道謂有所謂異錢制作近古其文曰長命富貴金玉滿堂
 忠孝傳家五男二女天下太平云云今長命富貴錢尙多大小
 不等或有近代仿鑄者



五品迭大面文俱同前背一二上俱日光下龜鶴形三上壽字
 雲氣下亦龜鶴四上下龜鶴左北斗五亦上下龜鶴左右齊壽
 二字又鹿馬形隱寓龜鶴齊壽兼祿馬之意凡富貴字富皆無
 點惟此第三品起筆有點






面文同前背地支十二字生肖形




大錢內作六錢形文曰長命富貴壽山福海金玉滿堂壽如松
 栢福祿齊壽永保千秋背地支十二字兼生肖形同前惟前作
 圓格此作方格

亦長命富貴錢上俱有荷蓋柄二三下有蓮座三文合背



一長命守富貴背平二守長命富貴背有花紋俱五出梅花式

第一品載洪志據云景龍中睿宗女荆山公主鑄此錢用以撒帳勅近臣及修文館學士拾錢銀錢散貯絹中金錢每十文卽繫一綵條李孝美曰見此錢於汝海王霖家形製文字皆如舊譜但差大而銅鑄耳此二品想俱唐以後仿鑄者



長命百歲背富貴長久四字分於面背較異



長生保命錢背文彙考云上北斗下月宮兎搗藥形右爲嫦娥左爲真武仗劍此品恰合惟左不晰按宣和畫譜載五代陸晃畫長生保命真君像宋周文矩畫長生保命天尊像此長生保



命四字見於載籍之始




長樂益壽延年貴富背龍鳳龜麟形



花生不老背左右團圓字類五行大布錢式稗史類編有長生不老錢背同此長或花之譌耶抑其別種耶



勝花藏葉背有花紋若葉劉燕庭疑為佛臚錢今與花生錢類及之



一狀元及第第古第字面背無郭形類半兩錢質甚古次狀元及第背獨占鰲頭彙考有背早生貴子者雙龍文者金榜二字左右虎形者



三元及第背五子登科





面官字鹿形背印字馬形取官印祿馬之義




宜利大富錢四隅鳥形背上鶴下龜形左花紋似龍形右花紋

似人形均不晰





金玉滿堂篆書向內徧地作羅紋背雙螭顛倒形樊榭山房集
載此品上有柄注互見長命富貴錢




地不愛寶錢背龍鳳文



面利市仙官背招財童子輟耕錄利市之說易說卦巽爲利市
三倍此最古者夏文彥圖繪寶鑑宋嘉禾好爲利市仙官此稱
已久矣又有利市大吉錢招財利市錢





1 | 2 | 3 | 4 | 5 | 6 | 7 | 8 | 9 | 10 | 11 | 12 | 13 | 14 | 15 | 16 | 17 | 18 | 19 | 20 | 21 | 22 | 23 | 24 | 25 | 26 | 27 | 28 | 29 | 30 | 31 | 32 | 33

Centimetres

Kodak Color Control Patches

© Kodak, 2007 TM: Kodak

Blue

Cyan

Green

Yellow

Red

Magenta

White

3/Color

Black

